

元豐類藁

二十一

元豐類彙卷第四十四

誌銘

殿中丞致仕王君墓誌銘

君諱某字某其先琅邪人嘗徙家于蜀至君之考又徙家于揚故今爲揚之江都人曾祖諱錫祖諱得中爲真定府獲鹿縣令贈尚書刑部侍郎考諱汝能爲尚書都官郎中贈尚書工部侍郎君少以父任爲太廟齋郎養其父不忍一日去左右至卒喪年已四十餘始出爲南劔州司戶參軍歷監劔州銀銅場和州司戶參軍用薦者監潁州稅去爲越州山陰縣尉滑州錄事參軍隨州唐城縣令其爲銀銅場冶者復業而歲課大溢爲尉能發姦偷爲錄事能治獄不撓爲令能有惠愛於人其試於事者如此其爲人居家孝友遇人和易質厚不爲聰明機巧以譁世動俗故知之者少而君亦自若也至年七十遂上書還政遷太子中舍今上即位恩遷殿中丞賜緋衣銀魚卒於熙寧五年之五月甲辰年七十有七以其年十月乙酉葬于江都之東興寧鄉馬坊里以其配永嘉縣君周氏祔有子二人曰幾大理寺丞曰深潤州丹徒縣主簿皆有文行能世其家有女一人嫁陸氏有孫男二



人孫女二人尚幼也寺丞娶余之仲妹以書來乞君之墓銘余不能辭也銘曰
養心以和動己以直不爲世巧安於自得顯不在躬寔詒爾子欲鴻厥聲勒銘于此

贈大理寺丞致仕杜君墓誌銘

君姓杜氏澶州濮陽人卒於皇祐元年十月庚申葬於熙寧八年十月丁酉其墓在濮陽縣桂枝里之樂村以夫人仙居縣太君潘氏祔君曾王考佑王考延嗣考珣子男三人曰言曰宗諫皆蚤世曰宗誨殿中丞女二人嫁馬氏樂氏孫男二人曰良輔餘未名也

君諱瑩字德溫贈大理評事又贈大理寺丞爲人孝友溫良以清靜爲學而以淡泊自足行修於家而譽聞於鄉其自得者壽考見於身其有餘者流澤見於後故其年至於八十而有子能大其門言理之士以此多君也宗誨爲人質厚恬夷世俗之所爲有不爲者余爲襄陽宗誨實僉書節度判官公事愛其所守而知其有所受也其以君之銘乞於余故不辭銘曰
有以養其內克遐者壽有以行於遠克昌者後帝原厥初追錫命書余與此銘賁于幽墟

胡君墓誌銘

君名敏生於天禧之戊午平時皇祐之辛卯也既卒之明年葬於其所家撫州金谿縣之東某里某原字某姓胡氏父名晏教君學已爲之求師又爲之求四方善人君子與之接致其力不敢懈至於老以死不敢變君亦能奉其意故君之爲進士其強學其廣記其博問其能文辭於其業可以謂之修其事親其居家其與人游不見其缺虧其約其質其不苟其寡言於其行可以謂之修夫積其勤以至於業之修而止薦於鄉積其謹以至於行之修而不克顯於世此世之所以哀君也然君有可以慰其親而不疚於其內比於得其欲富貴於一時而有愧於其心者其得失何如固易知也母某氏妻某氏子某弟某君者嘗學於余也故銘之銘曰

慰其親學也勤短而屯塞不伸震無垠塚斯珉

光祿寺丞通判太平州吳君墓誌銘

龍圖閣直學士給事中呂仲庶具書載其子業官世行治屬余曰吾子某不克壽不得見其志幸得銘信後世則某其不泯泯尚足以慰吾思也余爲之述曰維吳氏以文學直道繼有顯人其家子晚出並茂亦多以材能見於世君居其間孝友篤學有大志未見

其止其不幸蚤死故君既自重無所試而其家蓋識君之事亦略也君以父任守將作監主簿今上即位恩遷太常寺奉禮郎是歲進士及第僉書廣濟軍判官公事上書言時事有人之所難言者部多盜君請取酒場羨錢益賞購轉運使難其言君以聞詔用君議盜以衰息君以母濟陽郡君蔡氏憂去官服除遷光祿寺丞通判太平州州賴以治行部中視河還不入其家將行廣濟圩度姑熟溪橋壞以水死年三十有三熙寧八年四月某甲子也朝廷聞而官其一子君娶陳氏尚書職方員外郎亢之女前君二年死子

曰墳郊社齋郎曰圻未仕女一人始五歲君初名秉禮字子鈞其先興國軍某人曾祖考其祖考其贈戶部尚書仲庶名中復以君卒之二年正月某甲子葬君南康軍都昌縣沐浴保之龍回山以陳氏祔銘曰家紀其行官紀其能收科于少是紹是承維曰未試方勃而起云胡不澁一跌而逝命則誰為昧不可稽畀爾萬年式諗以辭

殿中丞監揚州稅徐君墓誌銘

唐之亡彊者分其地爲國以十數揚行密有淮南稱吳海州人徐溫爲吳將有功行密死三子相次立溫

用事貴顯溫死其養子知誥遂代楊氏盡有江淮之地稱唐去溫所與為姓名者姓李氏名昇溫已子知諫事昇為將死昇追以為中書令臨淄王知諫子遜事昇子璟為中書侍郎上饒郡公遜子徐君事璟子煜為其祕書郎賜緋魚袋宋既受命平天下俘李氏以歸徐君亦隨之京師得為太常寺太祝不樂棄官歸江南久之為殿中丞監揚州稅以死子天錫為祕書丞亦死女四人其第二女與季皆嫁呂氏徐君死祥符間後四十餘年嫁呂氏女有子倚始葬徐君與徐君之母李氏妻陸氏於揚州之某原方徐氏之先

與楊氏俱起東南收其土地而有之遭行密子弱徐氏實任其國至昇遂代吳而徐氏子孫亦皆據士民之上有王公之勢於其一時富貴之際豈非盛哉百年之後其世凌遲至於徐君遂死而無以葬葬於異姓之孫盛衰之變何其速也然自前世無不皆若此富貴之不可以久恃亦何必異也而世之不安其命者方枉義摯摯以覬幸其偶得之者又惴惴恐失之是真可以常處也哉初東南之地既入於有司天子憐士民許皆復田其故所有地徐君之地為尤多多不取有冒徐君之地以賣之者亦不問是以其貧甚

而徐君獨自得徐君諱元揄字仙材好學善屬文吏部賈黃中嘗試其書判曰元白不足多也尤能詩詩數百篇號南歸集大抵多慨其不得志徐君之所以自見也嫁呂氏女之夫名某憐徐君之死無以葬死以屬其子倚倚貧甚能自力卒葬徐君心而就其父志銘曰

富吾不爭可謂既好之貧吾不懟可謂又安之諧歸此丘女子之爲永昭厥聲維此銘詩

永州軍事推官孫君墓誌銘

黔縣之孫氏有起進士爲尚書工部郎中廣南西路

轉運使以卒者諱抗以文學見於世其葬在黔之上林有子亦起進士爲永州推官以卒平時年二十有八者諱適亦以文學見稱葬在其父之左將葬其弟邈以告而乞銘於南豐曾鞏其叙曰孫氏世家富春唐有徙歙之黔縣者諱師睦始自別爲黔縣之孫氏師睦生延緒延緒生旦旦生遂良以子恩爲尚書職方員外郎職方生工部工部實生君君年十有四辭親學問江東已有聞於人往從臨川王安石受學安石稱之後主越州上虞薄去以父恩得永州父卒萬里致喪疾不忍廢事既葬携扶幼者將就食淮南疾

益華遂卒於池州大安鎮實至和二年始工部爲御史不合而出及使南方仆且起遽卒君尤自力學行謂蘊必發其在君又止此君於學問好其治亂得失之說不狃近卑於爲文以古爲歸不夸以浮雖素羸不廢書雖進不怠以止旣肆而通矣而不得極其至其銘曰
孫世來黥拔身艱故爲世聞家始自工部有書百篇永州之學自其父傳其果以力其敏以明內有其質外以華英再以不就其後當後君不有子君多兄弟

尚書都官員外郎王公墓誌銘

類書中甲

七元

王氏其先太原人世父遷徙而今家撫州之臨川公諱益字舜良曾祖諱某不仕祖諱某以子故贈尚書職方員外郎考諱某以公故即其家拜衛尉寺丞公祥符八年舉進士及第初爲建安主簿時尚少縣人頗易之及觀公所爲乃皆大畏服其督賦稅未嘗急貧民或有所笞罰唯豪劇吏而以故建安人尤愛之嘗病闔縣爲祠禱改臨江軍判官軍多諸豪大姓之家以財力自肆而二千石亦有所挾爲不法吏乘其然乾沒無所忌公至以義折正二千石使不能有所縱以明憚吏使不敢動搖居頃之部中肅然諸豪大

吏見公皆側目而視至以鄙言目公曰是不可欺也
卒不得已以他計出公領新淦縣縣以治聞去改大
理寺丞知廬陵縣又改殿中丞知新繁縣縣有宿姦
數人公既繩以法其餘一以恩信遇之嘗踰月不答
一人還知韶州改太常博士尚書屯田員外郎嶺以
南素習於夷無男女之別日浸月滋為吏者師耳目
謂俗止如此凡姦事雖得有可已者皆不究公曰夫
所謂因其俗者豈謂是耶居郡求姦事最急苟有萌
孽一切摘發窮治之屬縣翁源多虎公教捕之令欲
媚公言虎自死者五輿之致州為頌以獻公使歸之

曰政在德不在異州有屯兵五百人代者父不至欲
謀為變事覺一郡皆駭公不為動獨取其首五人即
日斷流之或請以付獄公不聽既而聞其徒曰若五
人者繫獄當夜劫之然後眾乃服韶居南方雖小州
然獄訟最多號難治公既以才能治之有餘遂以無
事又因民之暇時為之理營驛表坊市道巷使皆可
以久遠為後利歸丁衛尉府君憂服除通判江寧府
改都官員外郎二千石常以事倚公公亦為之盡寶
元元年二月二十三日以疾卒於官享年四十六母
謝氏封永安縣君娶徐氏又娶吳氏封長壽縣君子

男七人曰安仁曰安道曰安石曰安國曰安世曰安禮曰安上女一人嫁張氏處者三人安石今爲大理評事知鄞縣慶曆七年十一月上書乞告葬公明年某月詔曰可遂以某月某日與其昆弟奉公之喪葬江寧府之某縣某處吾嘗聞鄉里儻有大志在外當事輒可否矯矯不可撓及退歸其家斂色下氣致孝於父母致愛於承一以恩自克位不滿其意故在外之所施用者見於小而已今吾所書是也其大可知則家行最篤已先人嘗從公遊其言亦然而吾又與安石友故得知

公事最詳其將葬也使者以安石之述與書來請銘遂爲之銘其尤可哀者曰公堂有母老不覺衰公庭有子仁孝而才世所可喜公兩棄之莫不皆死公有餘悲

衛尉寺丞致仕金君墓誌銘

今上皇祐二年起明堂推恩羣臣祕書丞金君得以其父爲大理評事致仕五年郊金君爲太常博士又君諱某字溫叟淳梁人初君之考贈大理評事諱某有三子伯曰鼎臣爲其軍節度掌書記仲曰汝臣爲太常博士季即君

兄弟俱舉進士書記與仲旣起家君因不復肯就舉
曰吾兄弟不可俱去吾親也後三十餘年卒以有子
爲丞云君有四子曰君著曰君佐曰君卿博士也曰
君佑兄弟又皆舉進士博士旣有名秩于朝三子皆
復養於家蓋其父子兄弟之出處如此何其相似也
當是時宋興已百年博士方以枵自起於賤貧欲以
其所爲爲天下慨然有志者也君獨自得於大山長
谷之間日從子孫來四方之客與夫鄉人之老詩書
樽席之側嘯歌息偃以忘其年隤然遂其志者也遭
天子旣宗祀明堂顧朝士大夫皆襲崇其親欲以風
示天下命書寵章降于其家顯榮一時壽考康寧有
孫有曾以承以翼何其祥也君爲人簡易無町畦能
事父兄衣食奉養自與者嘗取其薄嘗有盜其牛羊
已又盜其所乘馬者君知之皆不校盜卒自悔以伏
蓋君之質與其恕又有足多者如是也生於淳化之
庚寅卒於嘉祐之丁酉遺命三月而葬從薄遂以其
年十二月四日葬于饒州浮梁縣萬戶山之前夫人
徐氏累贈壽安縣君君之歿也有子四人女六人孫
男九人女十二人曾孫男三人女二人金氏或曰出
少昊金天氏或曰出漢侍中純侯純侯傳至孫則亡

至曾孫復侯而罔侯有弟倫倫子若孫四世六人皆侍中以忠孝名尊顯於世世稱金氏云至君之先皆家京兆唐僖宗時有令浮梁者遭黃巢亂徙人築險自保所活人以數萬因留治之凡十有七年遂家浮梁以功至檢校尚書右僕射昭信軍節度使諱某君曾祖也子諱某君祖也博士以君之外孫尚書屯田員外郎臧論道之狀來屬曰子爲我銘吾親吾死足矣輦不敢辭銘曰

卑少恭老惟物之常即強棄父迺理之亡帝用慨然尊祀明堂顧褒耄壽風示九有君勢之亨與享其榮擁笏巍巾於家以息有子有孫嚴嚴我側志無不得君子之祥銘以發之君子之光

撫州金谿縣主簿徐洪墓誌銘

嘉祐元年虔州安遠闕縣令建安徐洪以撫州金谿主簿攝安遠事明年八月十一日死安遠十二月其父尚書屯田郎中舉以書告君之故人南豐曾鞏曰子爲我銘洪之墓遂考以君世序行已歷官卒葬之終始銘於其墓曰君曾大父某某官大父某某官君字孺興爲人有志讀書好其治亂得失之大旨爲文長於辨說其奔放馳騁上下反復之際有足壯也

未冠聲號聞四方初中進士除洪州司戶參軍不就
退居大江之南好佃僮非常之奇節不肯少屈於人
居八年以父命始強出為主簿非其好也君居家遇
人無親疎豁如也樂赴人之急為主簿不以非其好
故怠其意其治能有愛於人金谿富人錮山林之利
數十年君始奪之而縣之貧人賴其利蓋君之所試
者小其爲日又近而其所旣立如是也享年三十有
二死之若干日葬饒州鄱陽東門外母某氏某縣君
妻凌氏黃氏男一人曰還孫始二歲女四人尚幼也

銘曰

嗚呼孺興志果而大不勝于柔以窒其外不墮其剛
以亨于內胡短其施而多其與父老失子兒嬰失父
維銘告哀以納于墓

太子右司禦率府副率致仕沈君墓誌銘

君諱某字某姓沈氏沈氏自齊太子家令約家於吳
興故世爲吳興人至君之大父諱某考諱某始自吳
興之東林徙家於錢塘故今爲錢塘人君以宗室密
州觀察使宗旦恩即其家得爲太子右清道率府副
率致仕又以祀明堂恩遷太子右司禦率府副率兼
官檢校國子祭酒兼監察御史階銀青光祿大夫勳

武騎尉蓋密州觀察使宗旦者今天子之姪潞王之孫而其母夫人蓋君之姪也君爲人質朴無外飾其居鄉閭寬然長者也其事父兄能力以嚴眎族人能愛以均雖饒財爲六家而衣服飲食自與尤寡約至人有急歸我則推財赴之無錙銖顧惜意隣里歲饑輒發倉以救人有欺其財者皆不校旣老治其家事不肯懈曰吾先人之所以付我也處其子孫不以逸曰所以使汝守吾先人之法也嘉祐二年三月一日以疾卒于家享年七十有六其年十一月十九日葬錢塘之西城初娶吳氏再娶車氏某縣君其葬也吳氏實從子三人曰曄曰晚曰時孫八人曰沔曰溱曰沂曰淑曰灌曰湜曰漸曰渥曾孫三人曰師揚曰師荀曰師軻時沔沂皆舉進士餘亦皆有學行蓋君之教也銘曰

赫赫宗子保藩于密天子曰嘻汝惟沈出予假汝寵錫其外親東宮之屬有長衛軍命君子家俾休其老以偃以側服章華好大子命我匪我有求隕然順退媚于林立不蘊爲機不阻爲畦曰遠無仇曰近無疵里巷之依惟此令人流聞餘澤化其子孫惟身之祥旣壽而康惟後之祥宜熾而昌惟墓有域其藏有石

刻此銘詩昭示無極

寶月大師塔銘

君名修廣字叔微杭州錢塘人姓王氏九歲出家學佛居州之明慶院十一歲落髮為僧景祐二年詔賜紫衣五年又賜號寶月大師治平其年州選為管内僧正熙寧元年十月感疾癸丑會門人與常所往來學佛之人告以將終其夕沐浴易衣正坐而卒享年六十有一門人曰慈化大師了性曰崇照大師了然曰賜紫衣了蘊以明年某月某甲子為塔葬君於某縣某鄉某原君為人樂易慈祥有知日識度量人不見其喜怒讀五經略知大義頗喜為詩少羸多病始學為醫既成而有疾者多歸之無貴賤貧富皆為之盡其術未嘗有所厚薄尤貧者或資之衣食以其故自京師至于四方自公卿至于學士士大夫多知其名既見皆樂從之游而鄉邑之人至于輿馬旅客其歸之者無不厭其意君於接之雖勞未嘗有懈倦不欲之色於資之藥物衣食雖窮無未嘗有所計惜其應外者如此及退而處其貧富死生之際又有所不累其心故至於不能自給而未嘗動意至於且死而未嘗改容變色噫是非可銘也歟銘曰

不以貧故累其心此學士大夫所難至於遭死生之
變而不驚又難也君之學不同而自得者則然固不
可以無傳况於名聞於世行信於人故爲之書尚使
長存

元豐類藁卷第四十四

元豐類藁卷第四十五

誌銘

金華縣君曾氏墓誌銘

夫人嫁王氏爲侍御史諱平妻姓曾氏泉州晉江人
祖諱穆殿中丞追封魏國公考諱會尚書刑部郎中
集賢殿修撰追封楚國公皆累贈太師中書令兼尚
書令妣黃氏楚國太夫人未嫁承順父母盡子道旣
嫁夫家貧養姑盡婦道輔其夫盡妻道夫死寓食於
穎以勤儉積日大其家以誘教不倦成其子又可謂
盡母道也蓋其子五人回向固同罔皆有學行回有

一元

道爲儒宗向罔尤有文三人皆身在隱約而聲震天
下於是時夫人兄魯公公亮實爲宰相當國然夫人
處里舍彌約未嘗以爲泰及其後回向罔皆蚤世
人以其爲難處夫人能自廣以理未嘗亂其志教養其
孫至男有立女有歸熙寧之間魯公告老以太傅侍
中就第夫人少魯公一歲食其子祿皆居京師二人
白首相顧怡然元豐元年春魯公薨四月丁卯夫人
亦以疾終春秋七十有九夫人以夫恩封金華縣君
以魯公恩賜冠帔子回忠武軍節度推官知陳州南
頓縣事向峽州硤石縣主簿固大名府軍巡判官國

子監主簿同陳州宛丘縣令罔蔡州新蔡縣主簿女
嫁太子右贊善大夫陳臻古孫五人泌汾汶沂潁汾
郊社齋郎汶試將作監主簿夫人既卒之明年某月
某甲子葬潁之汝陰縣懷音鄉南高村附御史之兆
其將葬也固以狀來乞銘惟夫人爲子若婦若爲妻
母皆盡其道於難阨流寄之中能立其家成就其子
所以自處於通塞之際者無不當於理是其智術德
性過人遠甚宜得銘且余實與其子遊最舊乃不辭
而爲銘曰

曾禹之苗氏自卽子或言厥志有稱闕里或以孝顯
於經實紀或守所聞羞踐霸軌遙遙千載歷世有聞
自荆徂粵篤生夫人楚公之子魏公之孫魯公維伯
御史是嬪迺立厥家自墜而興迺教厥子自幼而成
卷服貂冠伯也在廷子也在幽碩實洪聲莫親已宗
莫重夫氏兩有其盛世誰與媿維能既試維德寔孚
尚寵爾後列銘陰墟

壽安縣君錢氏墓誌銘

劉凝之仕旣齟齬退處廬山之陽初無一畝之宅一
廛之田而凝之賢賢然樂若有餘者豈獨凝之能以
義自勝哉亦其妻能安於理不戚戚於貧賤有以相

之也凝之晚有宅於彭蠡之上有田於西澗之濱子
進於朝廷薦於鄉閭凝之夫婦康寧壽考自肆於山
川之間白髮皤然體不知駕乘之勞心不知機括之
畏世人之所慕者無慊焉世人之有所不能及者獨
得也其夫婦如此可不謂賢哉熙寧九年凝之年七
十有七哭其妻之喪自爲狀次其妻之世出行事來
乞銘余爲之因其言而識之曰夫人姓錢氏考內殿
崇班穆祖考內園使昭晟曾祖考宣德軍節度使同
中書門下平章事湛高祖吳越文穆王元瓘夫人色
莊氣仁言動不失繩墨居族人長幼親疎間盡其宜
事夫能成其忠教子能成其孝是皆可傳者也夫人
年七十有二卒於四月之庚子而葬於其歲某月某
甲子墓在南康軍西城之某原初以凝之恩封壽光
縣君再以子恕恩封壽安縣君有子曰恕祕書丞曰
格鄉貢進士皆以文學顯於世女嫁進士徐彥伯太
子中允黃廉孫某某凝之名渙筠州某人今爲尚書
屯田員外郎致仕銘曰

士不苟合安於賤貧其艱其豫繇媿有人維不終窶
又壽以康有續孔辰旣庶而臧世迫而求獨優以取
世儒以處獨肆而有士也則然女實作輔考則錢媛

尚配于古

天長縣君黃氏墓誌銘

夫人姓黃氏福州福清縣人祖諱某考諱倫皆仕閩越夫人嫁同縣林氏爲殿中丞諱某之冢婦尚書屯田員外郎諱某之妻有子曰槩爲太常博士集賢校理有孫八人曰希宣州涇縣主簿編校集賢院書籍曰旦明州象山縣令曰邵杭州南新縣令曰顏許州臨川縣令曰稽曰雄未仕也其二人早卒有曾孫十有二人曰睿處虞虞虔膚據處其三人亦早卒夫夫人年七十有七治平四年正月癸丑卒於京師之昭化坊累封嘉興天長二縣君始殿中府君與其配福清縣太君鄭氏皆春秋高安其鄉里不肯出屯田府君乃從事漳州泉州興化軍踰二十年終養而後去夫人能盡其力治飲食衣服以進及喪能盡其哀皆如其夫之志其子旣就學夫人常夜治絲枲居其旁以勉之至其後其子遂以文學名天下旣而其子不克壽屯田府君亦卒于官諸孫皆幼夫人已老矣乃棲吳郡斥賣簪珥以經理其家絲蓄粒聚至有田以食有宅以居平居日夜課諸孫以學有不中程輒扑之及長遂多知名連以進士中其科涇縣復校書集賢

世其父職夫人乃顧諸孫謂曰吾始得事祖姑今得
弄曾孫遂保有汝家起于既墜吾老且死不恨矣涇
縣既服夫人之喪以其柩歸吳郡寶華山某年某月
某日附屯田府君之輿而屬余銘銘曰

女璫在宮行止于柔扶微抹阨則匪我謀勢有孔棘
義不得寧任重于已振壞為興我儲我積乃續烝嘗
我字我飭乃襲印章蒼顛秀眉燕其作止其燕伊何
維終受祉莫仁且智疇濟登茲播告無極視此銘辭

仁壽縣太君吳氏墓誌銘

仁壽縣太君撫州金谿吳氏尚書都官貞外郎贈尚

四十五

五

書刑部侍郎撫州臨川王公諱益之夫人衛尉寺丞
諱用之之婦年六十有六嘉祐八年八月辛巳卒于
京師十月乙酉葬于江寧府之蔣山夫人好學強記
老而不倦其取舍是非有人所不能及者然好問自
下於事未嘗有所專也其平生養舅姑甚孝蓋侍郎
七子而少子五人吳氏出也然夫人之愛其長子甚
於少子曰吾愛之甚於吾子然後家人愛之能不異
於吾子也故其子孫已壯大有不知為異母者居父
之二長子前死夫人已老矣每遇其孀婦異甚而身
為字其孤兒忘其力之憊也其處內外親疎之際一

主於恩有讒訕踞罵已者數困苦常置之不以動聲色亦未嘗有所含怒於後也有以窮歸已者急或分衣食不爲秋毫計惜以其故至不能自給然亦未嘗不自若也其嫁三從之孤女如已女而待長子之母族如己族蓋篤行如此而天性之所有也其自奉養未嘗擇衣食其視世俗之好無足累心者方其隱約窮匱之時朝廷嘗選用其子堅讓至於數十或謂可強起之夫人曰此非吾所以教子也卒不強之及處顯矣其子嘗有歸志而以不足於養爲憂夫人曰吾豈不安於命哉安於命者非有待於外也其子爲知制誥故事其母得封郡太君夫人不許言故卒不及封此夫人之德見於行事之迹而余以通家故熟於耳目者也夫人之考諱畋畋之配黃氏兩人者皆有善行鄉里稱之而黃氏兼喜陰陽數術學故夫人亦通於其說七子者曰安仁安道安石安國安世安禮安上安仁宣州司戶參軍安石尚書工部郎中知制誥安世太平州當塗縣主簿安禮大名府莘縣主簿餘未仕也女三人長適尚書虞部員外郎沙縣張奎次適前衢州西安縣令天長朱明之次適揚州沈季長孫男九人曰雱勇彥旌抗防旉旂放孫女九人長

適解州安邑縣主簿徐公翊次女嫁太廟齋郎吳安持餘尚幼銘曰

嗟若人兮洵好善兮始終一德仁七子兮遺棄細故篤九族兮說珥推食光惠施兮以義易利能無累兮縱心委命志彌邵兮謂宜百歲奄忽逝兮風有采蘋經所首兮原念美實輯此辭兮庶幾德音與古對兮

壽昌縣太君許氏墓誌銘

夫人許氏蘇州吳人考仲容太子洗馬兄洞名能文見國史夫人讀書知大意其兄所爲文輒能成誦父母衣食服御待之而後安既嫁博行孝謹宜于其家

其夫爲吏有名稱夫人實相之及春秋高於內外屬爲高曾行而慈幼字微愈又彌篤故親踈懷附無有惡數昔先王之治必本之家達於天下而女子言動有史以昭勸戒後世以古爲迂爲政者治吏事而已女子之善旣非世教所獎成其事實亦罕發聞於後其苟如此其衰微所以益甚則夫人之事其可使無傳也哉夫人嫁沈氏其夫諱周太常少卿贈尚書刑部侍郎其舅諱某贈兵部尚書杭州錢塘人夫人封六安縣君壽昌縣太君年八十有三熙寧元年八月丁巳卒於京師三年八月某甲子合葬杭州錢塘縣

龍車原子曰披國子博士有吏材曰括揚州司理參
軍館閣校勘有文學其幼皆夫人所自教也女二人
蚤卒銘曰

生民之治必本于身教行于家餘以爲人世弊俗偷
恕于在己內替常度外彊于理淑惟壽昌學與心成
篤于孝慈匪勸而能有翼于夫有迪于子尚類古人
其傳以此

德清縣君周氏墓誌銘

夫人姓周氏湖州長興人曾大父諱某大父諱某父
諱某嫁同縣陳氏爲祕書省著作佐郎諱某之妻爲

三十一

四十五

人柔嫗靜莊在父母家至歸于夫氏本於自修而卒
於能孚于屬人陳氏有姒婦寡居當家事夫人常曲
意下之於事常退避不敢與姒婦以其故顧夫人甚
歡而親踈觀者莫不悅著作有田數千畝而愛士好
施夫人常悉力助之以其故至不能自給而夫人處
之自若遇子之非己出者與己子無毫髮厚薄意人
以爲過人而夫人若有所不及也享年三十有五封
德清縣君子曰樞爲尚書屯田貲外郎曰楷曰權未
仕也卒於慶曆五年之二月辛丑葬於熙寧三年之
三月庚申其墓在長興縣永昌鄉卞山之陽銘曰

嗟淑人體明德外惟均內自克不永年隕嬪則兆親
宮藏石刻

夫人周氏墓誌銘

夫人諱琬字東玉姓周氏父兄皆舉明經夫人獨喜
圖史好爲文章日夜不倦如學士大夫從其舅邢起
學爲詩旣嫁無舅姑順夫慈子嚴饋祀諧屬人行其
素學皆應儀矩有詩七百篇其文靜而正柔而不屈
約於言而謹於禮者也昔先王之教非獨行於士大
夫也蓋亦有婦教焉故女子必有師傅言動必以禮
養其德必以樂歌其行勸其志與夫使之可以託微

而見意必以詩此非學不能故教成於內外而其俗
易美其治易洽也茲道廢若夫人之學出於天性而
言行不失法度是可賢也已其夫來乞銘予與之親
且舊故爲之序而銘之蓋夫人之王父諱協爲尚書
刑部郎中父約今爲尚書虞部員外郎青州益都人
也夫人嫁關氏爲徐州豐縣令景仁之妻爲尚書職
方員外郎贈尚書都官郎中諱魯之子婦生一男二
女年二十有六卒於治平二年之九月某甲子葬於
杭州錢塘縣履泰鄉葛松原實某年某月某甲子關
氏錢塘人也銘曰

女有圖史傳于師氏其勸以樂其康以禮能此非他
繇學而已王政之興蓋自此始今孰登茲維周之媛
學繇自好終之不倦言循于矩行循于典尚配古人
輝光日遠

永安縣君謝氏墓誌銘

宋故衛尉寺丞王公諱用之之夫人尚書都官員外
郎贈尚書工部郎中諱益之母姓謝氏累封永安縣
君其卒皇祐五年之六月十四日其葬於撫州金谿
縣之某鄉某原既卒之百有五十一日也其子曰益
曰某皆已卒曰某曰某曰孟楚州司理參軍亦已卒

其孫曰安仁宣州司戶參軍曰安道皆已卒曰安石
殿中丞通判舒州曰沆荆南府建寧縣令曰安國曰
安禮其曾孫曰某曰某曰某其墓工部故人之子曾
鞏誌之曰王氏繇工部之叔父尚書主客郎中贈太
常少卿諱觀之始起家爲能吏遂追榮其父諱某爲
尚書職方員外郎至于工部父子遂皆進于朝爲聞
人其世浸大夫人及拜其舅與夫之榮而享其子與
孫之祿其壽至于九十其卒於撫州之臨川安於其
寢余旣與夫人之諸孫遊而嘗得拜於堂上見其色
和其容謹聞其言儉而勤退而聞其爲婦順爲母慈

知其所以享其福祿者其宜也已余觀詩人之歌其
后妃至于諸侯大夫之妻內修法度輔佐其夫而其
効之見則兔且之人至于江漢汝墳之婦女皆承其
化而篤於禮余固歎其當是之時上下之間內外相
飭何其至也如夫人之資而使出於其時則必有歌
於風而被之于無窮之事若余之鄙其亦曷能知其
所至也哉謝氏之祖曰某考曰某銘曰
士顯其施其行易知女處于私其有孰窺嚴嚴秀眉
不見缺虧曷以長之眎此銘辭

永安縣君李氏墓誌銘

三十八

四十五

十一

夫人姓李氏其先燕人而今家許州之長葛贈太子
太傅諱譚之曾孫贈禮部尚書諱運之孫贈刑部尚
書諱昌言之女而母晉平縣君聶氏也夫人嫁駱氏
駱氏亦家許州之長葛其夫諱與京爲某官檢校某
官知其州享年七十有九封永安縣君有子男四人
長吉逢吉元吉皆三班奉職早卒嘉福今爲右班殿
直女三人亦早卒夫人以嘉祐八年十一月丙辰卒
于其家之正寢而以熙寧二年十月葬於許州長社
之舞鸞鄉白兔里附駱侯之塋夫人仁孝慈恕言動
必擇義理事父母不違其教事舅姑不違其志事夫

順而有以相其善遇子至于內外屬人一以恩而不
違於禮初刑部之兄昌齡當太宗眞宗時輔朝政李
氏族大而貴然刑部嫁女常擇寒士而至其後多爲
名臣范文正公仲淹鄭文肅公戩與駱侯是也夫人
之弟光祿少卿禹卿余妻父也實葬夫人故屬余銘
銘曰
性有能否行有失得一當於理士有不克淑哉夫人
秉是壺彝周旋大小無過無虧貴不稱德壽則謂遐
維藏在許永裕厥家

試祕書省校書郎李君墓誌銘

三十七

四十五

十一

君諱迂字明遠姓李氏爲人孝友慈恕讀書務大旨
生五代之際再試明經不合退居楚丘有田百餘頃
皆推與其族人獨留五頃而已曰無令子孫以財自
累也宋初祕書監彭君薦其行義詔以爲試祕書省
校書郎而君終不肯強起淳化三年壬辰九月二十
一日以疾卒于家享年八十有四維李氏遠出於臯
陶而其後李耳之孫曇爲秦司徒曇子璣璣子牧事
趙始家趙郡牧子汨汨子左車於趙號廣武君廣武
君子遐涿郡太守遐子岳諫議大夫岳子秉穎川太
守又徙家穎川秉七世子膺河南尹膺子瑾復家趙

瑾曾孫楷晉治書侍御史有子五人曰輯晃芬勁叡
以所居巷東西自別故勁稱西祖勁子隆後魏阜誠
令隆後九世栖筠唐御史大夫贊皇文獻公文獻公
子吉甫相憲宗吉甫子德修楚州刺史德裕相文宗
武宗楚州子煜宋州宋城令君曾祖也又徙家宋之
楚丘故今爲楚丘人宋城子確萊州膠水令君祖也
膠水子譚磁州邯鄲令君考也邯鄲之少子運爲太
常少卿有子曰昌齡太宗眞宗時爲尚書戶部侍郎
參知政事故膠水贈太子少保邯鄲贈太子少傅君
娶丁氏王氏王氏有子曰昌震爲建州松溪令贈尚
書駕部郎中駕部有子曰漢卿今爲諸王府侍講尚
書虞部員外郎虞部有子曰彥龍彥龍復有子四人
矣君卒後七十四年治平三年丙午四月某甲子虞
部葬君於開封府開封縣保安鄉永寧里之原以王
夫人從銘曰

不累於物全吾質兮不羈於世遂吾志兮作宅新原
維孝孫兮納銘幽裔永淑聲兮

試祕書省校書郎李君妻太原王氏墓誌銘

夫人姓王氏太原人嫁趙郡李氏爲磁州邯鄲令贈
太子少傅諱譚之家婦試祕書省校書郎諱迂之妻

爲人明識強記博覽圖籍子孫受與皆自爲先生其
行仁孝慈恕始於爲女中於爲婦終於爲母無不盡
其道享年八十大中祥符三年庚戌十二月己巳卒
於魏州盧氏縣其子之官舍子曰呂震建州松溪令
贈尚書駕部郎中駕部子曰漢卿今爲諸王府侍講
尚書虞部員外郎虞部嘗爲李氏九世譜甚博而詳
多夫人之所爲言也治平三年丙午四月丁酉虞部
以夫人之喪從校書君葬於開封府開封縣保安鄉
永寧里之原銘曰

嗚呼夫人既有其質又肆爾力古有遺辭罔不采獲
克踐以躬亦畀爾息維瘞有銘尚以載德

池州貴池縣主簿沈君夫人元氏墓誌銘

夫人姓元氏錢塘人祖諱德昭事吳越國王錢氏宋
興贈太保考諱好文尚書比部員外郎贈某官嫁吳
興沈氏其舅爲尚書屯田郎中諱某一作其夫爲池

州貴池縣主簿諱播夫人在父母家內外上下親踈
長幼皆宜之年十有七而嫁既嫁如在父母家時貴
池君早世無兄弟大夫人春秋高諸子尚幼夫人年
三十餘於羈旅單獨之中闔門事姑能盡其孝教養
諸子至其後皆爲成材能世其先人方其憂戚難陀

之時人恐其不能堪夫人既奮厲經理以保有其家
又退能自安不亂其志是人之所難而其後世之不
可以無述者也夫人年七十以治平二年某月某日
卒卒之若干日葬真州揚子縣甘泉鄉三城里北山
之原子男四人皆進士曰伯莊未仕曰季長越州司
法參軍曰叔通祕書省著作佐郎曰次通試將作監
主簿貴池君於先人爲同年友而諸子又與余遊故
爲銘銘曰

元出於危於東得姓有保有郎重世之盛允淑夫人
集享家慶來嬪沈宗作德維令處平不盈在險能正
姑曰微婦余老誰據子曰微母余幼誰怙自振單弱
卒持艱急老肆而安幼強以立實保沈宗自替而昌
有烈如此何愧丞嘗後世原美孰可無述刻辭幽宮
庶幾不沒

雙君夫人邢氏墓誌銘

夫人邢氏無爲軍巢人也爲贈大理寺丞姓雙氏
諱華之妻封萬年縣太君子男三人曰漸爲尚書屯
田員外郎通判吉州軍州事餘未名皆早夭夫人年
八十有六嘉祐四年九月二十七日卒于宣州之官
舍六年十二月二十七日葬于無爲軍巢縣無爲鄉

惲良里之原方大理府君之
夫人能經理其家使無內憂
列於朝夫人食其祿養就其
與善人豈非信哉夫人之在
君陳氏共養營救有過人之
嘉聖之勅州使致粟帛賜其家
獨能成其子又能化其家也
允淑夫人秉是壺彝有韡車
其吉在斯推求美實眎此銘

辭
在隱約屯田始就書學
以卒就其志及屯田有
入縣實受成報天之施
疾也屯田之配長壽縣
行州上其事天子聞而
於是人知夫人之善不
銘曰
服維寵嘉之葬有卜壤

旌德縣大君薛氏墓誌銘

夫人姓薛氏累封旌德縣太
府副率致仕贈右監門衛將
提點江南東路刑獄公事禮
某縣人也大父諱某當吳越
王國官父諱某祥符初爲東
宮門而監門之父右班殿直
以意氣喜相得也遂以夫人
和其屬人自珮服櫛珥凡資
好施雖盡費不以爲侈也生
長適開封黃思問次適吳郡

君爲故太子右清道率
車姓段氏諱某之妻今
賈副使名某之母某州
錢忠懿王時娶王女爲
頭供奉官供奉常將屯
諱某者屯三陽二人者
歸段氏夫人性柔淑能
已者常出於儉而有餘
男一人禮賓也女二人
潘孝孫皆進士夫人年

四十有三大中祥符七年五月某甲子以疾卒於京師之敦教坊某年某日某甲子祔其夫人之柩葬於某州之某縣某鄉某所之原前葬禮賓稱夫人之行與其世序封號之詳託銘於南豐曾鞏爲述而銘之曰約乎已厚乎人發其積在子孫韓兮程列封君碣兮石塚銘文

永興尉章佑妻夫人張氏墓誌銘

夫人姓張氏建安人父諱士龍舉進士嫁同郡章氏爲永興尉佑之妻所出三男四女曰造适述皆舉進士造及第爲清海軍節度掌書記女嫁俞瑾徐立之

陳震亦皆舉進士其一蚤死初永興府君起家二十
年止於爲尉及死三男尚幼造旣起又蚤死已而适
亦死夫人維能忘其貧所以使其夫能屈於小官而
說維能務其生所以使其子能安於幼學而成維能
順其性所以居流離顛頓之間而不爲悲哀愁憂亂
其志也其爲人卑極於順其爲人尊極於慈推於其
疏宗遠屬之間極於愛男之有不能葬者爲葬之女
之有不能嫁者爲嫁之志其力之匱而爲之也此皆
古今學士儒者所難而女子之善能如此此非可銘
者歟嘉祐二年十一月三十日卒於洪州之私第即

以其年十二月十八日葬于洪州某縣之某鄉某原
銘曰
彼以吾窮我以吾仁二者皆天吾樂而因壽止七十
豈不得年維其有之愈遠彌傳

福昌縣君傅氏墓誌銘

福昌縣君姓傅氏會稽人尚書職方員外郎霖之女
同郡尚書職方員外郎關公魯之妻後關公五年至
和三年二月丙申卒于家年六十有四子男八人景
榮景元景仁希聲杞景山景宣景良女一人景華嫁
著作佐郎史叔軻福昌君在家為父母所器異既嫁

而夫屬無退言布衣惡食身治細微故關公之祿及
其疏昆弟姊妹之孤其事關公正以從其教子慈以
肅關公起進士為郎為池台兩州年八十以歸曰吾
少得盡力于官而老得自休于家不以家事累吾志
者以有夫人也八子學行修立景榮希聲杞同時皆
中進士夫人之卒景榮為江陰尉希聲寶應尉杞和
州判官景元亦以父恩為廣德尉皆能其官景仁而
下皆有聞於人實受教於夫人也始關公既貧而孤
其仕與婚又皆後至其終有百口為大家福昌君維
厚勤薄養所以經理其微維可否以明行止以公善

訓能使誠恕愛人所以使其家有節法以有其成也
某月甲子從葬錢塘之某源其子來屬以銘景宣子
妹婚也宜爲銘其辭曰

關氏爰昔始如萌芽台州奮拔垂實敷華進勤退佚
不卹其家繇嬪有人作其內治孰致其休不懈于勤
孰致其隆不簡于細高明純約坦坦其夷無怨無疵
小大化之有容有則婦子順之公爲朝老子宦以成
象衣華軼我止我行魏冠文笏我翼我承公曰微子
誰據誰依子曰微母莫濟登茲云誰無母其孰無妻
爲妻爲母如我誰亢生雖有止存也其長鴻鴻號聲
垂此銘章

沈氏夫人墓誌銘

夫人姓沈氏其先家于越之會稽曾祖仁諒令海州
之朐山徙家于和州歷陽故今爲歷陽人祖平贈尚
書刑部侍郎父立今爲右諫議大夫判都水監母馮
氏濮陽縣君董氏仁壽郡君夫人年二十有二嫁揚
州進士朱延之有子三人寅萬廣女五人尚幼夫人
年四十有五卒於熙寧元年十一月之庚辰葬於某
年某月之某甲子其墓在揚州天長之秦蘭里夫人
爲人柔間靜專事父母盡子道事姑長興縣太君賈

氏盡婦道事夫盡妻道為母及與內外屬人接一皆盡其道故其處也愛於其家其嫁也夫之屬人上下遠近皆愛之而其歿也哭之者皆哀是不宜無銘而朱君余舅也屬余銘銘曰

媛維沈女經德以身柔嫗靜簡一作間孚于屬人維祉在後有子誥誥琢詩告美愈遠彌新

壽安縣太君張氏墓誌銘

夫人姓張氏濟州鉅野人嫁為同郡尚書駕部員外郎贈開府儀同三司吏部尚書晁公諱遘之夫人而為贈太傅諱佺之子婦有子男四人曰宗曜進士曰

宗恪光祿少卿曰宗愿員州軍事推官曰宗懿尚書司門員外郎女一人嫁進士桑况夫人初封清河縣君累封清河壽安縣太君年八十有七卒於熙寧二年之十一月某甲子葬於某年之某月某甲子其墓在開封府祥符縣旌孝鄉合儀同之兆卒時子宗曜宗愿皆已死既而光祿居喪以疾亦死而諸孫男女凡三十人男多已仕女多已嫁矣夫人為人仁厚莊靜自為女及既嫁處內外親尊卑長幼親踈之際無不當於禮而恩稱之其長者皆以為善事我而平居為等夷及少者莫不願以為歸也雖老未嘗懈而雖

疾未嘗有墮容維其初終受養收封既壽而康實備
成福可謂盛矣余之亡妻於夫人之孫女爲第三而
光祿之長女也知夫人之行爲尤詳故爲之銘銘曰
女婉張氏處躬以厚來嬪晁宗太傅維舅儀同維夫
卿士維子有孫誥誥亦紹厥美累封備養維康以壽
德則旣成福亦多有納詩新藏尚告爾後

元豐五類彙卷第四十五



